

Na osnovu člana 7. stav 5. Zakona o igrama na sre u („Službene novine Federacije BiH“ br. 48/15 i 60/15) i Uredbe o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sre u, federalna ministrica obrazovanja i nauke, objavljuje

## **Javni poziv za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sre u**

Iz dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sre u, Federalno ministarstvo obrazovanja i nauke raspisuje Javni poziv za prikupljanje zahtjeva za dodjeljivanje sredstava u svrhu finansiranja/sufinansiranja projekata i programa koji se odnose na:

1. zaštitu prava djeteta koja su žrtve zlostavljanja, pedofilije, prosjačenja
2. u estvovanje u liječenju, prevenciji i borbi protiv ovisnosti o drogi, alkoholu, igrama na sre u i kocki

### **I. Opći kriteriji**

Sredstva se usmjeravaju za finansiranje projekata i programa koje predlažu udruženja građana i humanitarne organizacije sa sjedištem na teritoriji Federacije Bosne i Hercegovine, koje su osnovane u skladu sa važećim propisima o udruženjima i fondacijama, i to na osnovu sljedećih općih kriterija:

- 1) doprinos projekata i programa za ostvarivanje javnog interesa u određenoj oblasti (broj korisnika, realizovani programi, ostvareni i predviđeni socijalni učinci i sl.);
- 2) povezanost predloženog projekta i programa sa prethodnim aktivnostima udruženja ili humanitarne organizacije;
- 3) precizno definisane ciljne grupe i broj korisnika;
- 4) detaljno obrazloženje problema odnosno potrebe za realizacijom projekta odnosno programa;
- 5) transparentnosti i mogućnosti vršenja kontrole ostvarenih rezultata i ocjene uspješnosti projekta odnosno programa;
- 6) preporuka stručnjaka iz oblasti u kojoj je projekat ili program pripremljen, i
- 7) iznos sredstava potrebnih za finansiranje realizacije projekta, odnosno učešća u finansiranju projekta (sopstvena sredstva, donacija, sredstva iz budžeta Federacije, sredstva iz budžeta jedinica lokalne samouprave i drugih sredstava).

### **II. Posebni kriteriji**

Federalno ministarstvo obrazovanja i nauke je, u skladu sa članom 3. Uredbe o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sre u, utvrdilo posebne kriterije, koji će biti osnova za ocjenu i izradu prijedloga raspodjele kandidiranih projekata i programa iz oblasti „zaštita prava djece koja su žrtve zlostavljanja, pedofilije, prosjačenja“ i „u estvovanje u liječenju, prevenciji i borbi protiv ovisnosti o drogi, alkoholu, igrama na sre u i kocki“:

- 1) Kvalitet ponuđenog projekta s aspekta metodologije izrade, odnosno jasno definisanih ciljeva i metoda provođenja projektnih aktivnosti;
- 2) Precizno definisane ciljne grupe i broj korisnika;
- 3) Detaljno obrazloženje potrebe za realizacijom projekta sa aspekta predviđenih socijalnih učinaka;
- 4) Povezanost predloženog projekta i programa sa prethodnim aktivnostima udruženja ili humanitarne organizacije, odnosno postignuti rezultati u prethodnom periodu;
- 5) Preporuka stručnjaka ili institucije iz oblasti u kojoj je projekt ili program pripremljen;
- 6) Referentnost udruženja ili humanitarne organizacije;
- 7) Projekt je inovativan i ima potencijal da se popuni prazninu u postojećim praksama pružanja usluga u oblasti za kojoj je projekt ili program pripremljen;
- 8) Projekat odražava finansijsku i institucionalnu održivost predloženih aktivnosti;
- 9) Projekat prepoznaje i odražava relevantno iskustvo, analize i istraživanje oblasti u kojoj je projekt ili program pripremljen;
- 10) Projekat omogućava provođenje kontrole ostvarenih rezultata i ocjenu uspješnosti postavljenih ciljeva.

Projekti, koji budu predloženi od strane Federalnog ministarstva obrazovanja i nauke podržati se u skladu sa finansijskim mogućnostima, odnosno u maksimalnom iznosu do 10.000,00 KM po korisniku.

### III. Potrebna dokumentacija za podnošenje Zahtjeva za dodjelu sredstava

Zahtjev za dodjelu sredstava treba da sadrži sljedeće podatke:

- 1) naziv udruženja ili organizacije, sa osnovnim podacima;
- 2) imena lica odgovornih za realizaciju programa-projekata;
- 3) broj transakcijskog računa;
- 4) realizovani programi - projekti;
- 5) naziv programa-projekta;
- 6) oblast na koju se program-projekat odnosi;
- 7) opis programa-projekta sa ciljevima;
- 8) indikatori uinka;
- 9) iznos sredstava koji se traži;
- 10) struktura sredstava finansiranja programa-projekta (sopstvena sredstva, donacije, sredstva iz budžeta Federacije BiH, sredstva iz budžeta općina i dr);
- 11) ovlašteno – odgovorno lice za realizaciju programa, i
- 12) rok realizacije projekta.

Uz zahtjev, podnosilac je dužan priložiti i :

- 1) dokaz o registraciji,
- 2) posljednji godišnji obračun o poslovanju, koji mora biti pozitivan, s izuzetom udruženja i humanitarnih organizacija koje su registrovane manje od godinu dana,
- 3) dokaz o realizovanim projektima,
- 4) druge dokaze predviđene kriterijima konkursa

Zahtjev za finansiranje/sufinansiranje projekata popunjava se na odgovarajućem obrascu, koji je moguće preuzeti sa web stranice Ministarstva [www.fmon.gov.ba](http://www.fmon.gov.ba). Uz popunjeni zahtjev podnosilac zahtjeva/projekta dužan je priložiti i svu neophodnu dokumentaciju navedenu u tekstu Javnog poziva.

Korisnici sredstava koji za dodijeljena sredstva u prethodnom periodu ovom Ministarstvu nisu dostavili Finansijski izvještaj o namjenskom utrošku sredstava ili u dostavljenom Finansijskom izvještaju nisu pravdali cjelokupna dobivena sredstva, isti su dužni dostaviti najkasnije do roka određenog za dostavljanje zahtjeva. U protivnom, njihovi zahtjevi na ovaj Javni poziv neće biti razmatrani.

**Zahtjev sa svim priložima u dva istovjetna primjerka treba poslati na adresu:  
Federalno ministarstvo obrazovanja i nauke  
dr. Ante Starčevića bb, 88000 Mostar  
s obaveznom napomenom: „za Javni poziv“**

**Krajnji rok za dostavljanje zahtjeva je 21 dan od dana objave Javnog poziva.**

Zahtjevi uz koje nije dostavljena sva tražena dokumentacija, kao i zahtjevi koji nisu dostavljeni u propisanom roku neće biti razmatrani.

Mostar, 28.1.2016. godine

**Ministrica  
dr.sc. Elvira Dilberovi**